







## ՆԱԽՐԱՅԻՆ ԿՈԿԱԼ ԱՆՍԱՄԱՐԸ

«Նաիրյան» վոկալ անսամբլը ստեղծվել է 2015 թ.-ին «Մուղղուսյան» արվեստի կենտրոնի մշակութային ծրագրերի շրջանակներում:

Նման անսամբլ ձևավորելու հիմքում եղել է հայ դասական կոմպոզիտորների ստեղծագործությունների հանրահռչակման միտումը, ազգային, դասական, հոգևոր և ավանդական երաժշտության տարածումը, ինչպես նաև կանանց հզորացումը:

Անսամբլի կազմում երգում են երիտասարդ, պրոֆեսիոնալ կին երաժիշտներ: Խումբը երգում է բազմաձայն երգեր, հիմնականում ակապելլայի ձևաչափով, կան կատարումներ, որոնք նվագակցվում են կլարնետով, դափով, երաժշտական այլ գործիքներով, որոնց տիրապետում են աղջիկները:

Անսամբլն ունեցել է բազմաթիվ մենահամերգներ, տասնյակ ելույթներ տարբեր միջոցառումների շրջանակներում, այդ թվում՝ Երևանի գրեթե բոլոր թանգարաններում, հոգևոր կենտրոններում, տուն-ինտերնատներում, քրեակատարողական հիմնարկներում՝ հավատալով, որ երաժշտության հասանելիությունը ամենուր հնարավոր է՝ անգամ այնպիսի վայրերում, որտեղ դա սովորական երևույթ կարող է և չընկալվել:

2018 թվականից անսամբլն իրականացնում է ներառական, իր տեսակի մեջ միակը՝ ներկայացնող նախագիծ. բազմաձայն ստեղծագործությունների կատարմանը զուգահեռ՝ թարգմանելով երգը ժեստերի լեզվով: Ներկայումս ոչ միայն Հայաստանում, այլև ողջ տարածաշրջանում, «Նաիրյան» վոկալ անսամբլը միակն է, որ երգում է ակապելլա, բազմաձայն ստեղծագործություններ՝ միաժամանակ վերծանելով այն ժեստերի լեզվով՝ այդ կերպ հասանելի դառնալով լսողության խանգարումներ ունեցող անձանց համար:

«Նաիրյան» վոկալ անսամբլը մասնակցել է ներհայաստանյան և միջազգային մի շարք փառատոների՝ արժանանալով մրցանակների:

«Նաիրյան» վոկալ անսամբլի գեղարվեստական ղեկավարը Նաիրա Մուղղուսյանն է:

## NAIRYAN VOCAL ENSEMBLE

Nairyan Vocal Ensemble was created in 2015 within the Mughdusyan Art Center's cultural programs.

The goal of creating such an ensemble was to popularize works of Armenian classical composers, spreading folk, classical, spiritual and traditional music, as well as empowering women.

The ensemble consists of young, professional female musicians. They sing polyphonic songs, mainly acapella. There are performances accompanied by clarinet and other musical instruments that the girls play.

The ensemble has had many solo concerts, dozens of performances within various events held in most museums in Yerevan, spiritual centers, retirement homes, penitentiary institutions, having strong faith that music can be available even in those places where usually listening to classical music isn't accepted.

Starting from 2018 the Ensemble has been implementing a very unique inclusive program. While performing polyphonic compositions, they also translate the song into sign language. Now Nairyan Vocal Ensemble is the only ensemble not only in Armenia but also in the whole region that performs acapella at the same time translating them into sign language, which makes songs available for people with listening disorders.

Nairyan Vocal Ensemble has participated in many festivals both in Armenia and beyond.

Naira Mughdusyan is the Artistic Director of the Ensemble.





## 1. ԳՈՒԼՈ

Ելա տանիս, թափ քելեցի,  
Լանգով զարկի, երդիկ բացի,  
Գուլոն տուն չէր, նստա լացի,  
Վայ լե Գուլո, յաման Գուլո:  
Գուլոն ելե, կերթա մարագ,  
Հուր ուտելիք մեղր ու կարագ,  
Հուր խմելիք ջուր սառնորակ,  
Վայ լե Գուլո, յաման Գուլո:  
Գուլոն ելե, կերթա աղբյուր,  
Ոչ դու եղնիր, ոչ քու պաղ ջուր,  
Ընձի վառեց, քու սրտի հուր,  
Վայ լե Գուլո, յաման Գուլո:

## 2. ԴՐՈՒ, ՅԱՐԻՄՈ, ՄԵՄՉԱՐԵ ԵՎ ԿԱՄԱՑ ՔՇԵՔ ՍԵԼԵՐԸ

Դրո՛ւ, տնավեր, քելե երթանք սարն ի Սասուն,  
Ես եղնիմ տուն, դուն եղնիս սյուն, վախ,  
Ես եղնիմ տուն, դուն եղնիս սյուն:

Դրո՛ւ, տնավեր, դու հագերիս կարմիր սուլեր,  
Արի երթանք շաբաթ մը երկուս, մնանք չուլեր,  
Արի երթանք շաբաթ մը երկուս, մնանք չուլեր:  
Ախ, Դրո՛ւ, իմալ եղնիմ, Աստծու սիրուն,  
Իմալ եղնիմ, Աստծու սիրուն,  
Հորի չիդաս պաք մը անուշ, տնավեր, Դրո՛ւ,  
Հորի չիդաս պաք մը անուշ, տնավեր, Դրո՛ւ:

Յարիմո, յարիմո,  
Չիր ու չամիչ ու խարումա, ու խարումա,  
Յարիմո, յարիմո:  
Երթամ, քաղիմ վարդ, մանուշակ,  
Վարդ, մանուշակ,  
Յարիմո, յարիմո:  
Բերիմ, դրիմ քու բարձի տակ,  
Քու բարձի տակ,  
Յարիմո, յարիմո:  
Բերիմ, դրիմ քու բարձի տակ,  
Քու բարձի տակ,  
Յարիմո, յարիմո:

Յա՛ր, Մեմգարե, Մեմգարե,  
Մեմգար սարեն իջեր է,  
Յա՛ր, Մեմգարե, Մեմգարե,  
Վարդ, մանուշակ բերեր է:  
Յա՛ր, Մեմգարե, Մեմգարե,  
Ապրոն առեջ գացեր է,  
Յա՛ր, Մեմգարե, Մեմգարե,  
Խորոտ յարին տեսեր է:

Կամաց քշեք սելերը,  
Յար, յար, յարո, օյ, օյ,  
Յար ջան, դու իմ տուն արի,  
Յար, յար, յարո ջան:  
Սարերի գլխովն արի,  
Յար, յար, յարո, օյ, օյ,  
Յար ջան, դու իմ տուն արի,  
Յար, յար, յարո ջան:  
Կրակը վառ ա, վառ ա,  
Յար, յար, յարո, օյ, օյ,  
Ես իմ սիրածին չառա,  
Յար, յար, յարո ջան:

### 3. ՅԱՐԸ ՄԱՐԴՈՒՆ ՅԱՐԱ ԿՈՒՏԱ ԵՎ ՅԱՐ, ՅԱՐԱՆԸԴ ԷՂՆԻՄ

Յարը մարդուն յարա կուտա,  
Շատ ուշ հասկացա,  
Ժայռից պոկված սիրտը նրա,  
Քնքուշ հասկացա:

Յարս ինձ չասաց. «Դեղ տամ վերքիդ, առ դիր, ո՛վ աշուղ,  
Սեր երգելով սազը ձեռքիդ, վայր դիր, ո՛վ աշուղ»:

Երանի չուերն ընկնեի,  
Անտուն ու անտեր մնայի,  
Սարի պես դարդ ունենայի,  
Յար չունենայի:

Հագար տեսակ տանջանք կուտա վարդը բլբուլին,  
Ով յար ունի, նա կիմանա դարդը բլբուլի:

Ես Հավասն եմ, սոխակի պես վշտերս եմ լալիս,

Սիրո հուրը իմ սրտակեզ,

Հանգիստ չի տալիս:

Երանի չուերն ընկնեի,  
Անտուն ու անտեր մնայի,  
Սարի պես դարդ ունենայի,  
Յար չունենայի:

Յար, յարանըդ եղնիմ,  
Կուզես, հեյրանըդ եղնիմ:  
Հով սարի տակ գով աղբյուր,  
Յար յարանըդ եղնիմ,  
Արծաթե թաա, ոսկե ջուր,  
Կուզես, հեյրանըդ եղնիմ:  
Յար, յարանըդ եղնիմ,  
Կուզես, հեյրանըդ եղնիմ:  
Խնձորը գլորել եմ,  
Ճամփիցը մոլորվել եմ,  
Իրեք տարի միալար,  
Քու վրա սովորել եմ:  
Յար, յարանըդ եղնիմ,  
Կուզես հեյրանըդ եղնիմ:

#### 4. ԼԵՅԼԸՄ ԼԵ, ԼԵ



Սասնա գեղեն երկու հարս,  
Լեյլըմ լե լե, Լեյլըմ լե լե,  
Լե, լե, լե մայրո,  
Մտել են գետ, կլողեն,  
Սևուկ, սիրուն, շատ խորոտիկ,  
Խորոտիկ մայրո:  
Ելել են ափ, կդողեն  
Լեյլըմ լե լե, Լեյլըմ լե լե,  
Լե, լե, լե մայրո,  
Քանց նռան հատ կշողեն,  
Սևուկ, սիրուն, շատ խորոտիկ,  
Խորոտիկ մայրո:  
Լեյլըմ լե լե, Լեյլըմ լե լե,  
Լե, լե, լե մայրո,  
Սևուկ, սիրուն, շատ խորոտիկ,  
Խորոտիկ մայրո:  
Աղջի, անունդ Շուշան,  
Լեյլըմ լե լե, Լեյլըմ լե լե,  
Լե, լե, լե մայրո,  
Շորիկ ունիս խշխշան,  
Սևուկ, սիրուն, շատ խորոտիկ,  
Խորոտիկ մայրո:  
Աղջի, քեզի բերի նուռ,  
Լեյլըմ լե լե, Լեյլըմ լե լե,  
Լե, լե, լե մայրո,  
Բարով գնանք ժամու դուռ,  
Սևիկ, սիրուն, շատ խորոտիկ,  
Խորոտիկ մայրո:

## 5. ՉՈՄԱ, ՔՈՄԱ

Չի՞նչ ու զի՞նչ տամ լողվորչուն,  
    Չոմա զոմա էր,  
Չիմ գոտիկ տամ լողվորչուն,  
    Քոմա քոմա էր:  
    Ո՛չ էառ, ո՛չ հավնեցավ,  
    Չոմա զոմա էր,  
    Ո՛չ էհան ծամկալ ծովեն,  
    Քոմա քոմա էր:  
Չի՞նչ ու զի՞նչ տամ լողվորչուն,  
    Չոմա զոմա էր,  
Չիմ լաջակ տամ լողվորչուն,  
    Քոմա քոմա էր:  
    Ո՛չ էառ, ո՛չ հավնեցավ,  
    Չոմա զոմա էր,  
    Ո՛չ էհան ծամկալ ծովեն,  
    Քոմա քոմա էր:  
Չի՞նչ ու զի՞նչ տամ լողվորչուն,  
    Չոմա զոմա էր,  
Չիմ շապիկ տամ լողվորչուն,  
    Քոմա քոմա էր,

Ո՛չ էառ, ո՛չ հավնեցավ,  
Չոմա զոմա էր,  
Ո՛չ էհան ծամկալ ծովեն,  
Քոմա քոմա էր:  
Չի՞նչ ու զի՞նչ տամ լողվորչուն,  
Չոմա զոմա էր,  
Լուսնակ գիշեր պագ մի տվի,  
Քոմա քոմա էր,  
Հետ էառ, հետ հավնեցավ,  
Չոմա զոմա էր,  
Հետ էհան ծամկալ ծովեն,  
Քոմա քոմա էր:  
Չի՞նչ ու զի՞նչ տամ լողվորչուն,  
Չոմա զոմա էր,  
Չիմ ծոցիկ տամ լողվորչուն,  
Քոմա քոմա էր,  
Համ առա, համ հավնեցա,  
Չոմա, զոմա էր,  
Հանեմ ծամկալն ի ծովեն,  
Քոմա, քոմա էր:

## 6. Ա՛Խ, ՏՆԱԿԵՐ ԵՎ ՄԱՐԱԹՈՒԿ ԲԱՐՁՐ ՍԱՐԵՆ

Արի երթանք սարն ի բլուր,  
Ես եղնիմ հող, դու եղիր ջուր,  
Ես եղնիմ հող, դու եղիր ջուր,  
Օյ, օյ, օյ, լաճ տնավեր:

Արի երթանք սարն ի բլուր,  
Ես եղնիմ քոլ, դու եղիր ջուր,  
Ես եղնիմ քոլ, դու եղիր ջուր,  
Օյ, օյ, օյ, լաճ տնավեր:

Արի երթանք ի վերին թաղ,  
Ես եղնիմ թուփ, դու եղիր շաղ,  
Ես եղնիմ թուփ, դու եղիր շաղ,  
Օյ, օյ, օյ, լաճ տնավեր:

Մարաթուկ բարձր սարեն,  
Լանջին պաղ-պաղ ջրեր,  
Երևեկ են ջրեն խըմեմ,  
Մատաղըս ոտքդ բերեմ,  
Չիմ մուրազ կատարե:  
Չորավոր զորքիդ մեռնեմ,  
Խաս մարմարե քարեր,  
Հեռու տեղից է կիզամ,  
Հեռու տեղից է կիզամ,  
Չիմ մուրազ կատարե:

## 7. ՎԱՅ ՍԱՐԻՆ, ՎԱՅ ՔԱՐԻՆ ԵՎ ԱՐԽԱԼՈՒՂԴ ՀԱԳԵԼ ԵՍ

Վա՛յ սարին, վա՛յ քարին,  
Վա՛յ սիրահարին,  
Եկել են, տանում են  
Իմ սիրած յարին:  
Հագել են, ալ են դառել,  
Վա՛յ սարին, վա՛յ յարին,  
Վա՛յ սիրահարին,  
Սրտես հիլալ են դառել,  
Ջոկել են, տանում են  
Իմ սիրած յարին:  
Ծաղիկ է բաղի միջին,  
Վա՛յ սարին, վա՛յ յարին,  
Վա՛յ սիրահարին,  
Մի հատ է թաղի միջին,  
Ջոկել են, տանում են  
Իմ սիրած յարին:

Արխալուդդ հագել ես,  
Լե լե, լե լե, լե՛ լե,  
Պատրոն դաշդ կապել ես,  
Դե քելե, դե ցոլա, ֆիդան յար:  
Տդա, էրթանք մեր բաղչեն,  
Լե լե, լե լե, լե՛ լե,  
Բացեմ իմ սրտի բողչեն,  
Դե քելե, դե ցոլա, ֆիդան յար:  
Տդա, մեր բաղով արի,  
Լե լե, լե լե, լե լե,  
Ոտքերիդ շաղով արի,  
Դե քելե, դե ցոլա, ֆիդան յար:



## Ց. ՁՈՒՐ ԿՈՒԳԵՐ

Ձուր կուգեր վերին սարեն,  
Հայ, լայ, լալա, ռատիրիրի ռարիրա,  
Գեր թափեր մարմար քյարեն,  
Հայ, լայ, լալա, ռատիրիրի ռարիրա:  
Յար կուգեր թովռալեն,  
Հայ, լայ, լալա, ռատիրիրի ռարիրա,  
Ձուր կուգեր գլգլալեն,  
Հայ, լայ, լալա, ռատիրիրի ռարիրա:

Ձուր կուգեր վերին սարեն,  
Հոպ, լայ, լալա, ռատիրիրի ռարիրա,  
Գեր թափեր մարմար քյարեն,  
Հոպ, լայ, լալա, ռատիրիրի ռարիրա:

Սարեն կուգեր ձիավոր,  
Արծվու պես թևավոր:  
Սարեն կուգեր թուխ Ասմին,  
Արևու շողն իրեսին:



## 9. ԼՈՒՍՆՅԱԿՆ ԻԶԱՎ ՍԱՐԻ ՏԱԿ ԵՎ ԱՅ ՏՂԱ, ՀԱԼ ՈՒ ՄԱՇ ԵՄ

Լուսնյակն իջավ սարի տակ,  
Կաքավը թռավ, արտերս ե՞րբ եմ հնձելու,  
Քունն անուշ է ծառի տակ,  
Վախենամ քնեմ, խոր քնով ընկնեմ,  
Արտերս մնան հնձելու:

Արտը լիքը ցորենով,  
Կաքավը թռավ, արտերս մնաց հնձելու,  
Քեզ չեմ տեսնում օրերով,  
Վախենամ քնեմ, խոր քնով ընկնեմ,  
Արտերս մնան հնձելու:

Այ տղա, հալ ու մաշ եմ,  
Յար, մտքիդ մեռնիմ, յար, միտքդ ծուռն է,  
Երեք տարի կկանչեմ,  
Յարս կտուրն է, աչքը մեր դուռն է:  
Սիրտս սուփրա չե՝ բանամ,  
Յար, մտքիդ մեռնիմ, յար, միտքդ ծուռն է,  
Ես ո՞ր դարդին դիմանամ,  
Յարս կտուրն է, աչքը մեր դուռն է:  
(Կրկնակ)

Յար, մտքիդ մեռնիմ,  
Յար, միտքդ ծուռն է,  
Յարս կտուրն է,  
Աչքը մեր դուռն է:

## 10. ԳՈՒԷ, ՀՈՅ ՆԱՐ ԵՎ ԹԱՄՉԱՐԱ

Գոլէ, հոյ նար, հոյ նար, հոյ նար, նար,  
Գոլէ, հոյ նար, հոյ նար, հոյ նար, նար:  
    Գոլէն կայներ դեմ աղոթքան,  
Գոլէ, հոյ նար, հոյ նար, հոյ նար, նար,  
    Կարմիր հիրես էրուն կաթան,  
Գոլէ, հոյ նար, հոյ նար, հոյ նար, նար,  
    Գոլէն իլիր կայներ ի դուն,  
Գոլէ, հոյ նար, հոյ նար, հոյ նար, նար,  
    Մեջքն ի բարակ խանջարի բուն,  
Գոլէ, հոյ նար, հոյ նար, հոյ նար, նար,  
    Գոլէ, հոյ նար, հոյ նար, հոյ նար,  
Գոլէ, հոյ նար, հոյ նար, հոյ նար նար:

Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Աղչի դու լուսնակ էրես,  
Թամգարա, հա՛յ, թամգարա,  
Ինչ կեղևի ընծի սիրես,  
Թամգարա, հա՛յ, թամգարա լե, լե, լե, լե, թամգարա,  
Թամգարա, հա՛յ, թամգարա, լե, լե, լե, լե, թամգարա,  
Թամգարա, հա՛յ, թամգարա,  
Կաքավ թռավ մեր արտեն,  
Թամգարա, հա՛յ, թամգարա,  
Կտրավ իմ խաղի դայդեն,  
Թամգարա, հա՛յ, թամգարա:  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա, լե, լե, լե, լե, թամգարա  
Թամգարա, հա՛յ, թամգարա, լե, լե, լե, լե, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա,  
Թամգարա, հա՛յ, թամգարա:  
Թամգարա, հա՛յ, թամգարա:



## 11. ՀԱՆԱՆԵ

Մի յար ունիմ՝ անուշա, հով, հով, հովն ընկավ,  
Անուշա, թառլան դուշա, սարին սովոր իմ յար ջան:

Հանանե, հանանե, հանանե ջան,  
Հանանե, հանանե, հանանե ջան:

Սիրուն կաքավ, նախշուն կաքավ,  
Ձեռքես թռավ ջուրն ընկավ:

Սև ամպը սարի գլխին, հով, հով, հովն ընկավ,  
Կաքավը քարի գլխին, սարին սովոր իմ յար ջան:

Հանանե, հանանե, հանանե ջան,  
Հանանե, հանանե, հանանե ջան:

Սիրուն կաքավ, նախշուն կաքավ,  
Ձեռքես թռավ ջուրն ընկավ:

## 12. ԳՈՐԱՆԻ

Ըդ Մշո դաշտ, կըսին, հինգ հարիր գեղ էր,  
Ըդ Մըղրագետք, կըսին, հիվընդի դեղ էր,  
Յար է, հո՛, յար է, հո՛, յարըմ գորանի,  
Յար է, հո՛, յար է, հո՛, Մշո գորանի:

Յորյան իմ ցանիլ իմ առվի պռնգան,  
Էլիլ է, ծգվիլ է դեպ արեգական,  
Յար է, հո՛, յար է, հո՛, յարըմ գորանի,  
Յար է, հո՛, յար է, հո՛, Մշո գորանի:

Ըդ քամբախ Մշո դաշտ ինչ անուշ տեղ էր,  
Ըդ քամբախ Մըղրագետք հիվընդի դեղ էր:  
Յար է, հո՛, յար է, հո՛, յարըմ գորանի,  
Յար է, հո՛, յար է, հո՛, Մշո գորանի:

Էկիլ ես մըր բաղչեն խաղող կքաղիս,  
Քո շարմաղ թաթերով նեկտար կըշաղիս:  
Յար է, հո՛, յար է, հո՛, յարմ գորանի,  
Յար է, հո՛, յար է, հո՛, Մշո գորանի:



1. Գուլո
2. Դրդո, Յարիմո, Մեմգարե և Կամաց քշեք սելերը
3. Յարը մարդուն յարա կուտա և Յար, յարանդ էղնիմ
4. Լեյլըմ լե, լե
5. Չոմա, քոմա
6. Ախ, տնավեր և Մարաթուկ բարձր սարին
7. Վայ սարին, վայ քարին և Արխալուդդ հագել ես
8. Ջուր կուգեր
9. Լուսնյակն իջավ սարի տակ և Այ տղա, հալ ու մաշ եմ
10. Գոլե, հոյ նար և Թամգարա
11. Հանանե
12. Գորանի
13. Շարան

1. Gullo
2. Drdo, Yarimo, Memzare and Kamats Kshek Selery
3. Yar Mardun Yara Kuta, Yar, Yarand Eghnim
4. Lyleum Leh, Leh
5. Zoma, Koma
6. Akh, Tnaver Maratuk Bardzr Sarin
7. Vay Sarin, Vay Karin, Arkhalughd hagel es
8. Jur Kuger
9. Lusnakn Ijav Sari Tak and Ay Tgha, Hal u Mash em
10. Gole, Hoy Nar and Tamzara
11. Hanane
12. Gorani
13. Sharan

ՆԱԻՐՅԱԼ ՎՈԿԱԼ ԱՆՍԱՄԲԼ

Գեղարվեստական ղեկավար՝ Նաիրա Մուղդուսյան

«Նարեկացի» արվեստի միություն

Երևան, 2023

Գրաֆիկ դիզայներ՝ Մարգարիտա Տեր-Գրիգորյան  
Ջնջունային օպերատոր՝ Գարեգին Ամյան  
Թարգմանիչ և սրբագրիչ՝ Մարինե Հարությունյան  
Լուսանկարիչ՝ Մովսես Սմբատյան  
Գործադիր պրոդյուսեր՝ Նարեկ Յարութիւնեան

«Նաիրյան» վոկալ անսամբլը խորին շնորհակալություն է հայտնում  
«Նարեկացի» արվեստի միության ողջ անձնակազմին և հիմնադիր  
նախագահ Նարեկ Յարութիւնեանին այս ձայնասկավառակի  
լույսընծայման համար:

© «Նաիրյան» վոկալ անսամբլ, 2023

© © «Նարեկացի» արվեստի միություն, 2023

ISBN 978-9939-9283-8-8

## NAIRYAN VOCAL ENSEMBLE

Artistic Director: Naira Mughdusyan

Naregatsi Art Institute

Yerevan 2023

Graphic Designer: Margarita Ter-Grigoryan

Sound Engineer: Garegin Amyan

Translation and proofreading by Marine Harutyunyan

Photographer: Movses Smbatyan

Executive Producer: Nareg Hartounian

Nairyan Vocal Ensemble would like to express their deepest gratitude to the Naregatsi Art Institute entire staff and the Founder-President Nareg Hartounian for the release of this CD-album.

© Nairyan Vocal Ensemble, 2023

© © Naregatsi Art Institute, 2023

ISBN 978-9939-9283-8-8





ՆԱՐԵԿԱՅԻ ԱՐԿԵՍՏԻ ՄԻՈՒԹՅՈՒՆ  
NAREGATSI ART INSTITUTE

